

古今事文類聚

續集

十二之十四

~~99
49~~

逍遙文庫
文庫 6
28
49





新編古今事文類聚續集卷之十三

建安 祝穆 和父 編

金陵 唐富春 子和 刊

燕飲部

御宴

羣書要語雲上於天需君子以酒食宴樂需卦王燕則諸侯毛

禮官酒以黃帕封故謂之黃封酒雜志

詩句蕭曹拱御筵杜遽厭太庖鮮坡珍熟具太官坡紫駝之峰

出翠釜杜御厨絡繹送八珍杜侍臣鶴立通明殿一朶紅雲捧

玉皇坡上尊御食傳恩光陸放翁九天日月開清宴楊誠齋

蘇文頌冬續集 卷之十三

古今事實

鎬京之宴

武王詩魚在在藻有頌其首王在在鎬豈樂飲酒

湛露之宴

成王詩湛露天子燕諸侯也

雒陽宮之宴

高帝置酒雒陽宮上曰通侯諸將皆言其情吾所以有天下者何項氏之所以失天下何高起王陵對曰云云上曰張良蕭何韓信三者皆人傑吾能用之項羽有一范增而不能用此所以為我禽也羣臣悅服

未央宮之宴

九年淮南王梁王趙王楚王朝未央宮置酒前殿上奉玉卮為太上皇壽曰始大人常以臣亡賴不能治產不如仲力今某之業所就孰與仲多殿上羣臣皆稱萬歲大笑為樂

沛宮之宴

十二年上破布還沛留置酒沛宮悉召故人父老子弟佐酒發沛中兒得百二十人教之歌酒酣上擊筑自歌曰大風起兮雲飛揚威加海內今歸故鄉安得猛士今守四方今兒皆和習之上乃起舞慷慨傷懷泣數行謂沛父兄曰游子悲故鄉吾雖都關中萬歲之後吾魂魄猶思沛其以沛為朕湯沐邑

長樂宮之宴

高帝悉去秦儀法為簡易羣臣飲爭功醉或妄呼拔劍擊柱叔

孫通與弟子共起朝儀為縣畝野外野之會長樂宮成諸侯羣
臣朝迺令羣臣隸習於是皇帝輦出房百官執戟傳警御史執
法舉不如儀者輒引去竟朝置酒無敢誼譁失禮者帝曰吾乃
今日知皇帝之貴也

賦詩奪錦

唐武后遊龍門命羣臣賦詩先成者賜錦袍左史東方虬詩先
成陳設拜賜坐未安宋之問詩復成文理兼美左右莫不稱善
乃就奪錦袍衣之其詞曰宿雨霽妖氛流雲度城闕

雨中錫宴

宋太祖大宴雨暴作上不悅趙普奏曰外面百姓正望雨官家
太宴何妨只是損得些陳設濕得些樂官衣裳但令雨中作雜

劇用此用雨難得百姓快活時正好飲酒宴樂太祖大喜
宣冷雨中作樂宜勸滿飲盡歡而罷賈氏談錄

賜宴問酒價

真宗嘗曲宴羣臣於太清樓君臣懽笑無間忽問酈沽尤佳者
何處中貴人以實價對之上遽問近臣曰唐酒價幾何無能對
者惟丁晉公奏曰唐酒每斗二百上曰安知丁曰臣嘗讀杜甫
之詩曰速來相就飲一斗恰有二百青銅錢是知一斗二百上
大喜曰甫詩可為一時之史玉壺清話

誤食釣餌

仁宗朝王安石知制誥一日賞花釣魚宴內侍各以金堞盛釣
餌藥置几上安石食之盡明日謂宰相曰王安石詐人也使誤

食鈞餌一粒則止矣食之盡不情也開見錄

賜酒辭醉

寇準在中書多召兩制就第飲宴必閉關苛留之畏謹者甚懼
李宗諤嘗於門扉下竊出得馬而走後為修官使息顧漸深一
日召至玉宸殿賜酒宗諤堅辭以醉且云日暮上令中使附耳
語云此中不須從門扉下出金坡遺事

伶人譏賦詩

賞花釣魚賦詩往往宿製天聖中永興軍進山水石因命賦山
水石歌出於不意多荒惡者中坐優人入戲各執紙筆若吟詠
狀一人忽仕於石上曰數白來作賞花釣魚詩准備應制却被
這石頭擦倒明日降出詩冷中書銓定內鄙惡者與外任范蜀公東

齊遺

古今文集

古詩

古樂府

生年不滿百常懷千歲憂晝短苦夜長何不秉燭遊為樂當及
時何能待來茲愚者愛惜費但為塵世嗤仙人王子喬難可以
等期

芙蓉池作

魏文帝

乘輦夜行遊逍遙步西園雙渠相溉灌嘉木繞通川卑枝拂羽
蓋修條摩蒼天驚風扶輪轂飛鳥翔我前丹雘夾明月華星出
雲間上天無光采五色一何鮮壽命非松喬誰能得神仙遨遊

快心意保已終百年

筵篋引

曹植

置酒高殿上親友從我遊中厨辨豐膳烹宰肥牛秦箏何慷慨齊瑟和且柔陽阿奏奇舞京洛出名謳樂飲過三爵緩帶傾庶羞主稱千金壽賓奉萬年酬父要不可忘薄終義所尤謙謙君子德馨折欲何求驚風飄白日光景馳西流盛時不可再百年忽我適生在華屋處零落歸山丘先民誰不死知命復何憂

公讌

曹植

公子愛敬客終宴不知疲清夜遊西園飛蓋相追隨明月澄清景列宿正參差秋蘭被長坡朱華冒綠池潛魚躍清波好鳥鳴高枝神飈接丹轂輕輦隨風移飄颻放志意千秋長若斯

公讌

王粲

昊天隆豐澤百卉挺歲稔涼風徹蒸暑清雲却炎暉高會君子堂華蔭華棖嘉有充圓方俎豆也旨酒盈金罍管絃發徽音曲度清且悲合作同所樂但愬盃行遲嘗聞詩人語不醉且無歸今日不極歡含情欲待誰見眷良不翅守分豈能違古人有遺言君子福所綏願我賢主人與天享巍巍克符周公業奕世不可追

公讌

劉楨

永日行遊戲歡樂猶未央遺思在玄夜相與復翱翔輦車飛素蓋從者盈路傍月出照園中珍木鬱蒼蒼清川過石渠流波為魚防芙蓉散其華茵苔溢金塘寔為宿木商仁獸游飛梁華館

寄流波豁達來風涼生平未始聞歌之安能詳按翰長歎息綺麗不可忘律詩

錫宴日作

韓渥

是歲天稔內出金帛賜百官充觀稼宴學士院別賜越綾百匹委京局勾當後宰相一日宴于興化亭

玉銜花馬踏香街詔遣追歡綺席開中使狎從天上去外人知自日邊來臣心淨比漪漣水聖澤深於灩澦堆纔有異恩頒稷契已將優禮及鄒枚清商適向梨園降好妓新行峽雨回不敢通宵離禁直晚乘殘照入銀臺

仁宗皇帝後死賞花釣魚御製詩

晴旭暉暉苑籞明氤氳化氣好風來游絲骨絮紫行仗階葉飄香入酒盃魚躍紋波時潑刺鶯留深樹久徘徊青春朝野方無事故許歡遊侍從陪

和

韓琦

花簇香亭萬朵開琉璃高自九關來輕陰閣雨迎天仗寒色留春送壽盃仙吹徹雲終縹緲恩魚逢餌幾徘徊曾參二十年前會今備台司得再陪

和

鄭獬

蒼霞鮮雲五色開一聲清蹕下天來水光翠繞九重殿花氣濃薰萬壽盃繡幕煙深紅會合文華風引綠徘徊蓬山絕景無入

到詔許羣仙盡日陪

和

王安石

蔭暈晴雲拂曉開，傳呼仙仗九天來。披香殿上留朱蓋，太液池邊送玉盃。宿榮暖吞風浩蕩，戲鱗清映日徘徊。展章獨與春爭麗，恩許賡歌豈易陪。

又

藹藹祥雲輦路晴，傳呼萬歲雜春聲。蔽虧玉仗官花密，映燭金溝御水清。珠榮受風天下暖，錦鱗吹浪日邊明。從容樂飲真榮遇，願賦魚頌太平。

詩話

不與賜燕

楊文公為光祿丞後苑賞花宴不得預以詩貽諸館閣曰聞戴官花滿髮紅上林絃管侍重瞳蓬萊咫尺無由到始覺仙凡迥不同太宗皇帝聞之乃詰所司以不召之故左右皆曰以未貼職例不得召即命直集賢院遂預晚宴澠水燕談

不許與燕

翰林學士李宗諤以京官帶職赴內宴閣門拒之獻詩曰戴官花賦了詩不容重親赭黃衣無聊獨出金門去恰似當年下第歸太宗覽詩即宣赴坐後遂為例雖選人帶館職亦同赴宴

青廂雜記

以詩為戲

章聖朝春月多召兩府兩制三館於後苑賞花釣魚賦詩自趙

元昊叛西陲用兵廢缺甚久嘉祐末仁宗為修故事羣臣和御製詩是日微寒韓魏公時為首相和詩卒章云曾忝二十年前會今備甚司得再陪時內侍都知任守忠常以滑稽侍上從容曰韓琦談陛下仁宗愕然問其故守忠曰談陛下遊宴太類仁宗為之笑

應制稱旨

真宗朝歲歲賞花釣魚羣臣應制嘗一日臨池久而御釣不食丁晉公謂應制詩曰鶯驚鳳輦穿花去魚畏龍顏上釣遲真宗稱賞羣臣以為莫及

詩有所祖

仁廟嘉祐中賞花釣魚介甫以知制誥預末坐帝出詩示羣臣

次第屬和傳至介甫日將及矣亟欲奏御得披香殿字未有對時鄭毅夫懈接席顧介甫曰宜對太液池故其詩有云披香殿上留朱輦太液池邊送玉盃翌日都下盛傳王舍人竊柳詞太液波翻披香簾捲介甫頌術之復齋謾錄云余讀唐上官儀初春詩步蟄出披香清歌臨太液乃知荆公取儀詩宜謂柳詞耶

西清詩話

伶人譏和詩難

仁宗賞花釣魚宴錫詩執政諸公滌禁從館閣皆屬和而徘徊二字無他義諸公進和篇皆押徘徊再生教坊雜戲為數人尋訪稅第至一宅觀之至前堂之後問所以曰徘徊也又至後堂東西序亦問之皆曰徘徊也一人笑曰可則可矣徘徊太多

韓魏

酒 禁釀附

羣書要語 麴一作醱

酒母也。醱生衣也。二熟麴也。葉牙米也。醴

酒，一宿熟也。醪，汁滓酒也。酎，三重之酒也。醕，薄酒也。醕，旨酒也。

說文 酒有汎齊。浮蟻在上，汎汎然。釋名 若作酒醴，爾為麴。葉

命十月穫稻為此春酒。七月酒正掌酒之政，令以試法授酒材。

辨五齊之名物：一曰泛齊，二曰醴齊，三曰盎齊，四曰醕齊，五曰

沉齊。又辨三酒之物：一曰事酒，二曰昔酒，三曰清酒。周禮 漢武

帝立酒泉郡，有井水色白，有酒氣，故名。本紀 清酒百盞。韓奕 酒

既和旨，賓筵。君子有酒多且旨。魚麗 有酒如池，如繩。左傳 饗未

及王咽酒未及濕脣。秦紀 酒者天之美祿，帝王所以願養天下

享祀祈福，扶衰養老。百福之會，非酒不行。漢食貨志 夫監食者

之將，酒百藥之長。王莽詔 銷憂者莫若酒。東方朔傳 酒為歡伯，

除憂乘樂。焦贛易林

詩句 浮蟻對春開。庾信 濁醪有妙理。杜鵑兒 黃似酒。杜 山盃竹

葉春。杜 坐開桑落酒。杜 齋釀寒更醪。曾 不放香醪如蜜甜。杜 一

盃春酒甘若飴。韓

古今事實

儀狄造酒

昔儀狄作酒而美，進之於禹。禹飲而甘之，遂疏儀狄，乃絕旨酒。

戰國策

言文類聚續集

魯酒薄

楚宣王朝諸侯魯恭公後至而酒薄宣王怒乃發兵與齊交魯
一日與趙俱獻酒於楚王王主酒吏以魯薄酒易趙厚酒楚王
以趙酒薄遂圍邯鄲淮南子

葡萄酒

漢大宛國造葡萄酒貨殖傳唐憲宗遣使賜季絳葡萄酒本傳

九醞酒

漢制以正月且造酒八月成名曰九醞一名醇酎西京雜記

漢賜上尊

漢賜丞相上尊注糯米一斗為上尊粳為中粟為下

酉日不飲

杜康善造酒以酉日外故酉日不飲酒會客論略

從事督郵

桓溫有主簿善別酒好者謂青州從事惡者為平原督郵蓋青
州有齊郡平原有葦縣從事謂到臍下督郵言臍上

清聖濁賢

鮮于輔曰醉客謂酒清者為聖人濁者為賢人詳見醕飲門

齊釀

劉弘字季和都督荊州下教曰酒室中云齊中酒德專酒禮酒
優劣三品按醕當與三軍同其厚薄自今不得分別孟嘉

兵厨清釀

阮籍聞步兵厨營人善釀有貯酒三百斛乃求為步兵校尉

白醴善釀

晉河東人劉白醴善釀酒飲者醉不能醒永熙中青州刺史毛鴻賓賞酒之藩逢盜劫酒飲之皆醉被擒因名搶奪酒洛陽伽藍記

賜桑落酒

晉宣帝時羌人來獻桑落酒故九日賜百寮飲蓋桑落河出馬乳酒羌人兼葡萄來獻世說

釀千日酒

劉玄石善飲或飲以千日酒歸醉不醒以為醉死葬之與酒者往諭其家共發冢示之經日忽醒而起無恙注中山有千日酒飲之皆醉輒千日

十年不敗

煬帝造玉冰燒酒十年不敗龍城錄

待詔樂酒

王績待詔門下省故事官給酒三斗或問待詔何樂答曰美醞三升差可戀耳侍中陳叔達聞之日給一斗時號斗酒學士

著酒經

焦革善釀革死王績追述其法以為經又采儀狄杜康以來善造酒者為譜

麴生風味

葉法喜居玄真觀嘗有朝士詣之解帶淹留滿座思酒心有一美措傲睨直入稱麴秀才年二十餘肥白可觀笑揖諸公未席抗聲譁論良久暫起法喜曰此子突入詞辯如此豈非魁魅為

咸俟其復至密以刀斫擊之應手墜于階下化為瓶蓋一座驚
懾遽視乃一瓶醲醞咸笑飲之其味甚佳曰麴生風味不可忘
也唐開元記

推酒床

彭任聞富彥國當使不測之虞憤憤推酒床奉皮裂老蘇送石
昌言北使引

搜私釀以下係禁釀

趙廣漢為京兆突入博陸侯霍禹第門索私釀酷推被壚墨斧
破門關

表置酒禁

曹操以年饑兵興表制酒禁孔融書爭之融因得罪徐邈私飲

至於沉醉操怒罰之

蜀早禁釀

蜀簡雍拜昭德將軍性簡傲跌宕在先主座席猶箕踞傾倚時
天早禁釀酒者有刑吏於人家索得釀具論者欲罰雍與先主
游觀見男女行道謂先主曰彼人欲行淫何以不縛先主曰何
以知之對曰彼有其具與欲釀者同先主大笑而原欲釀者滑
稽皆此類

古今文集

雜著

陸諮傳

唐子西

陸諮麴城人少與壺子商君相友善約先貴無相忘已而壺子

任太常商君任主爵都尉通顯矣而諳方青州為從事壺南等
 上疏曰臣等亡狀蒙陛下器使待罪九卿自非得天下賢聖與
 之同升則非但無以副陛下傾渴而臣等亦自不滿臣友麴城
 陸諳者舉世莫能測其為人以為剛又無虐以為柔又有立文
 雅醞藉號為醇儒至論全身保家活國安天下則又似謀臣策
 士往時表益相吳王驕日久數陷害二千石益用其兄子種計
 與諳厚善卒賴其力得脫虎口以歸此全身之道也呂太后時
 羣臣動見覆族呂須讒陳平曰平為相非治事專從譖戲婦女
 太后聞之私獨喜而平得以全其宗此保家之效也河南獻王
 修德為仁義天子不悅王懼日夜與諳語不厭相事幾廢而民
 間作畫工之歌此安天下之效也臣聞王者尊有德進有功今

諳既賢聖而上自朝廷郊廟燕享下至田里冠昏聚會諳味嘗
 不在其間功效不為人後而位青州從事薄空置臣亡益上從
 其言還壺子持節召諳至見上歡甚是日拜諳光祿勳頃之封
 醴泉侯食千戶諳歎曰生我者天地成我者壺商也二人既薦
 諳以身下之然上每念諳輒并召二人諳卒謚懿侯子醇嗣至
 曾孫醇不自以罪廢國除諳既沒二人亦斥疎不復召用云
 太史公曰漢興陸賈以辨說游公卿間名聲籍甚為大中大夫
 以壽終而諳復以德業位九卿賜爵列侯傳國數世陸氏之先
 豈有天祿哉

洞庭春色賦 并引

蘇子瞻

安定郡王以黃柑釀酒名之曰洞庭春色其猶子

德麟得之以餽予戲作賦曰

吾聞橘中之樂不減南山豈霜餘之不食而四老人者游戲於
 其間悟此世之泡幻藏千里於一斑舉棗葉之有餘納芥子其
 何觀宜賢王之達觀寄逸想於人寰嫋嫋兮春風泛天宇兮清
 閑吹洞庭之白浪漲北渚之蒼蒼携佳人而往游勤霧鬢與風
 鬟命黃頭之千奴卷震澤而與俱還操以二米之禾籍以三春
 之管忽雲蒸而水解旋珠寒而涕潛翠勺銀鬢紫絡青編隨屬
 車之鳴夷欵木門之銅環分帝觴之餘瀝幸公子之破慳我洗
 盞而起嘗散腰足之痺頑盡三江於一吸吞魚龍之神姿醉夢
 紛紜始如鼙鼓包山之桂楫扣林屋之瓊闕卧松風之瑟瑟
 揭春溜之淙潺追范蠡於渺茫弔夫差之惘惘屬此觴於西子

洗亡國之愁顏驚羅襪之塵飛失舞袖之弓彎覺而賦之以授
 公子曰烏乎噫嘻吾言夸矣公子其為我刪之

中山松醪賦

蘇子瞻

始予宵濟於衡漳軍徒涉而夜號燧松明以記淺散星宿於亭
 皇鬱風中之香霧若訴予以不遭豈千歲之妙質而死斤斧於
 鴻毛效區區之寸明曾何異於束蒿爛文章之糾纏驚節解而
 流膏噀構厦其已遠尚藥石之可曹收薄用於桑榆製中山之
 松醪救爾仄燼之中免爾螢燭之勞敢通明於盤錯出肪澤於
 煎熬與黍麥而皆熟沸春聲之嘈嘈味甘餘之小苦歎幽安之
 蜀高知甘酸之易壞笑涼州之葡萄似玉池之生肥非內府之
 系羔酌以癭藤之紋樽薦以石蟹之霜齏曾日飲之幾何覺天

刑之可逃投非杖而起行罷兒童之抑搔望西山之咫尺欲褰
裳以游遨跨超峯之奔鹿接挂壁之飛猿遂從此而入海渺翻
天之雲濤使夫嵇阮之倫與八仙之羣豪或騎麟而翳鳳爭楫
挈而瓢操顛倒白綸巾淋漓官錦袍追東坡而不可及歸哺啜
其醅糟漱松風於齒牙猶足以賦遠遊而續離騷也

古詩

生酒歌

楊廷秀

生酒清於雪煮酒赤如血煮酒不如生酒烈煮酒只帶煙火氣
生酒不離泉石味石根泉眼新汲將麴米釀出春風香坐上猶
紅間熊白甕頭鴨綠變鵝黃先生一醉萬事已那知身在塵埃裡
律詩

竹葉酒

楊廷秀

宜城九釀酒號竹葉酒

楚人汲漢水釀酒古宜城春風吹酒熟猶似漢江清舊前人
在丘墳應已平唯餘竹葉麴留此千古情

茅柴酒

韓子蒼

三年逐客卧江臯首與田工釀小槽飲慣茅柴酒苦硬不知如
蜜有香醪

新釀桂酒

蘇子瞻

搗香篩辣入餅盆益益春溪帶雨渾收拾小山藏社窳招呼明
月到芳樽酒材已遺甗生致菜把仍叨地主恩爛煮葵羹斟桂
醪風流可惜在甗村

真一酒

蘇子瞻

米麥水三一而已此真一酒法也

撥雪披雲得乳泓，
欲醉先生稻垂麥。
仰陰陽見聖賢泉，
新表裏清曉日着顏紅。
有暈春風入髓散，
無聲人間真一東坡老。
與作青州從事名。

詩話

郟筒酒

郟縣人剡竹傾春釀於筒，
閑以藕絲苞以蕉葉。
信宿馨達於竹外，
然後斷之以獻號為郟筒酒。
故杜詩云：酒憶郟筒不用酷。

桑落酒

河中桑落坊有井，
每至桑落時取其寒暄得所以井水釀酒甚佳。

佳故號桑落酒，
度信詩蒲城桑落酒。
後史補

洞庭春色

安定郡王以黃柑釀酒，
色香味三絕。故東坡詩云：去年洞庭春香霧常囁手，
今年洞庭春王色疑非酒。
瓶間香浮坐，盞光照檻牖。
要當立名字，未可問升斗。
應呼釣詩釣，亦號掃愁帚。
須君漱澀，盃我談天口。

雜著 係禁釀

辨禁私釀書

曹操欲製酒禁，
孔融與操書云：天垂酒星之曜，
地列酒泉之郡，
堯不千鍾無以建太平，
孔非百榷無以堪上聖。
焚嗜解危鴻門非鍾酒無以奮其怒，
趙之厮養東迎其主非卮酒無以激其氣。

補文類聚讀集

卷之十三

二十六

高祖非醉斬白蛇無以暢其靈景帝非醉幸唐姬無以開中興
袁盎非醇醪無以脫其命定國不酣飲一斛無以決其法故鄴
生以高陽酒徒著功於漢屈原不餽糟飲醪取困於楚由是酒
何負於政哉

酒器

羣書要語凡觴一升曰爵二升曰觚三升曰觶四升曰角五升
曰散一右曰壺五斗曰甌禮器注梓人為飲器爵一升獻以爵
而酬以觚冬官飲玉爵者弗擗曲禮注爵莫尊行葦朋酒斯饗
注兩樽曰朋七月瓶之聲矣維壘之耻注瓶小而壘大麥我沿
稽酒器也轉注吐酒終日不匱今之陽燧樽崔浩音義

山盃捧竹根度信酡顏傾韓聯句蓋誰能載酒開金
盃杜指點銀瓶索酒嘗杜琉璃鐘琥珀濃小漕酒滴真珠紅李
賀鷓鴣杓鸚鵡盃百年三萬六千日一日須傾三百盃李白愁
裏酒盃浮大白楊大年隼人斗南北羨酒玉東西山谷酒酣金
盃照東西曾

古今事實

歷代之尊

泰山有虞之尊也山壘夏后氏之尊也著商尊也犧象周尊也
明堂位犧尊象尊著尊壺尊恭尊山尊皆有壘司尊彝犧象二
尊全刻牛象之形鑿其背以為尊三禮爵
三代之爵

夏后氏以錢商以等周以爵明堂位

金爵

卷耳后妃之志也知臣下之勤勞詩云我姑酌彼金盃注人君以黃金飾尊大一石金飾注自蓋列為雲雷之象謂之壘者取象雲雷博施如人君下及諸臣

兕觥 見罰酒門

太斗

周成王行葦詩酌以太斗

白獸樽

正白元會設白獸尊於闕庭蓋上設白獸若有能獻真言者則發此尊飲酒按禮白獸尊乃杜舉遺式也示無忌憚也晉禮志

三爵命名

晉劉表有酒爵三大曰伯雅升七次曰仲雅升六小曰季雅升五

羽觴

王羲之蘭亭序羽觴隨波

舉白

又見罰酒太白注

文選云飛觴舉白蓋酒器也

酒船

畢卓嘗曰得酒滿數百斛船拍浮酒船中便足了一生

金叵羅

齊著作郎祖珽有文章而疎率無行嘗因宴失金叵羅後於珽髻上得之近世以洗為金叵羅若果為洗其可置之髻上未知

果何物也上音ナ聞見錄

鴛鴦盞

唐張易之與李迥同飲以鴛鴦盞一雙共飲取其常相逐也雞

偏提

唐元和間酌酒謂之注子後仇士良惡其名同鄭注乃去其柄安繫名曰偏提謝馮事類

酒器七品

李適之有蓬萊盞海山螺舞仙螺酌子卮慢卷荷金蕉葉玉蟾兒逢原記

荷盃

李宗閔暑月臨池以荷為盃語林

玻璃盃

太真妃持玻璃七寶盃酌葡萄酒樂史李太白後序

酒魁

蜀中有酒器名酒魁詩人所謂酌以大斗遺制象北斗有魁柄見酒門魁生注

誤碎玉盃見德量門

銀酒海

葉鈞大宴有裴弘泰後至罰以坐上小爵至觥船飲皆竭隨卽實器于懷有銀海受一斗一飲而盡踏其海卷抱之索馬徑去乾饌子

玉蓮盃

有王永年娶宗女監金耀書庫嘗置酒延賓下榻繪於室出其妻間坐妻以左右手掬酒以飲下繪謂之白玉蓮花盃後永年盜庫書下獄引下繪受饋俱落職東軒筆記

蕉葉盃

東坡云吾兄子明飲酒三蕉葉吾少時望見酒盃而醉今亦能三蕉葉矣志林

婪尾盃

詳見燕會門

蘇鶚云今人以酒巡匝為婪尾又云婪貪也謂處於坐末得酒既貪婪故宋景文云迎新送故只如此且畫灯前婪尾盃而樂天詩三盃藍尾酒但改婪為藍耳

不好珍器

杜祁公享客多用髹器客有面稱歎曰公嘗為宰相清貧乃爾耶公命侍人盡取白金燕器陳於前曰衍非乏此雅不自好耳然祁公好施亦卒不畜也家塾記

借珍器不還

胡旦大監出知明州同年董儼給事知揚州延留甚歡入後館出姬侍宴豆皆上方珍器且曰人生會合難得來自能枉駕敝舟數杯可乎又曰珍器家貧未識可略假借示妻奴子否董以巨盃盡貯送至舟中明日不告而去後乃送還之玉壺清話

古今文集

雜著

蘇文公集

卷之十三

十一

題魏府藏趙公飲器

朱元晦

趙公飲器魏府藏我思兩公愛其棠惟魏子孫寶無數敬奉其盈如弗克平陵朱某拜手刻

古詩

寄崔立之

韓愈

我有雙飲酸其銀得朱提前漢朱提銀其直貴黃金塗物象雕鑄妙工儻乃令千里鯨么麼微齧斯猶能爭明月擺掉出渺瀰野草花葉細不辨寶裘施綿綿相糾結狀似環城陣四隅芙蓉樹擢豔皆箭猶鯨以與居狀失所逢百罹月以喻天道備勉勵莫虧草木明覆載妍貞齊榮萎願君恒御之行止親燧觴異日期對舉當知合分支

獨酌試藥玉盞有懷諸君子明日望夜月庭佳景不可失作詩招之

蘇子瞻

鎔鈿煮白石作玉真自欺琢削為酒盃規模定州窰荷心雖淺狹鏡面良渺瀰持此壽佳客到手不容辭曹侯天下平定國豈其師一飲至數石溫克頗似之風流赴王孫詩酒屢出奇喜我有此客玉盃不容施請君法歐陽問疾來何遲呼兒掃月榭扶病良及時

次韻蘇公獨酌試藥玉盞

陳無已

仙人棄餘糧玉色已可欺小試換骨方價重十冰竊灌以長白虹瀲若江海瀰瀰之端不惡舉者不可辭但愧聞道晚早從鴈門師律部無明文可復時中之汝陽佳少年二十六出奇家有

持盃手兩好當一施風吹酒向久月度盃心遲百年容有命一笑更須時

椰子酒榼

張安國

矮胡生南方託家碧山崖採擇供貢篚扶持上天街愧此原慙姿欲售久未諧道傍麴先生風味固自佳逢渠即傾蓋輸寫能開懷刮削出光采規繩去歆歆金主豈足貴膠漆真吾儕客來有嘉招二士往必借婆娑止坐隅供饋煩金釵矮胡雖木強醇德真無涯虛心實其腹居然外形骸微物幸見用棄置理財乖毛穎有封國陶匏薦欽柴太藥起世痾炮燔及根芟願子自洗濯勿受塵埃埋暇日肯相從醉經坐高齋

律詩

瓦盆

杜甫

莫笑田家老瓦盆自從盛酒長兒孫傾銀注玉驚人眼共醉還同卧竹根

謝楊景仁惠酒器

黃魯直

楊君喜我梨花盞却念初無注酒甌矮金盞肯持送接莎殘菊更傳杯

新編古今事文類聚續集卷之十三終

送酒

金陵 唐富春 子和 刊

建安 祝穆 和父 編

燕飲部

新編古今事文類聚續集卷之十四

建安 祝穆 和父 編

金陵 唐富春 子和 刊

燕飲部

送酒

羣書要語何以贈之清酒百壺 詩

詩句誰分銀盞送清醇 坡

古今事實

載酒問字

楊雄家貧嗜酒人希至其門時有好事者載酒有問奇字

事類彙編續集

卷之十四

一

德壽堂

投醪飲河

昔者良將用兵人有饋一單醪者使投之於河令將士迎流而飲之夫單醪不能味一河水三軍思為之死非滋味及之也黃石公記

半道送酒

江州刺史王弘欲識淵明而不能致淵明嘗往廬山弘命淵明故人龐通之贖酒具於半道栗里之間邀之淵明有脚疾使一門生二兒舉籃輿既至欣然便共飲酌俄頃弘至亦無迕也

餉酒易水

晉孔叡祖父奕為全椒令明察過人時有遺其酒者始入門奕遙曰餉吾兩翼酒其一何故非也檢視之果是水或問何以知

之奕曰酒重水輕提酒者手有輕重之異故耳

求酒送渡

宋臧質在盱眙魏太武自廣陵還就質求酒質封渡便與之太武怒甚攻圍三旬不下乃去

嗜酒自娛

唐元德秀罷魯山令愛陸渾佳山水乃定居不為墻垣肩鋤無僕妾歲饑或不饗嗜酒陶然彈琴自娛人以酒有從之不問賢鄙為酣飲

詐稱飲酒

李泌以虛誕自任嘗對客曰今家人速酒掃今夜洪崖先生來有入遺美酒會有客至乃曰麻姑送酒來與君同傾未異門者

日其侍郎取榼子必命倒還略無作色國史補

古今文集

律詩

謝嚴中丞送青城山道士乳酒杜甫

山瓶乳酒下青雲氣味濃香幸見分鳴鞭走送伶漁父洗盞開嘗對馬軍

章質夫送酒六壺書至而酒不達吏跌而亡之戲作

小詩問之

蘇子瞻

白衣送酒舞淵明意掃風軒洗破觥豈意青州六從事化為烏有一先生空煩左手持新釀謾遠東離嗅落英南海使君今北海定分百榼餉春耕

謝人寄酒

舊香餘味寄黃封厭見紅泥滿眼紅于乘莫從公于後百壺能為故人東

沽酒

屋書要語無酒酌我伐木

詩句美酒斗十千文選

鄰人有美酒稚子夜能賒杜僮僕來城

市瓶中得酒還杜隔屋喚西家借問有酒不杜憶與高李輩為

覓酒家壚杜論交入酒壚杜顏公三十萬盡付酒家錢李白且

願得志速相就牀頭常有沽酒錢宋鮑昭街頭酒價常苦貴方

外酒徒稀醉眠速宜相就飲一斗恰有三百青銅錢杜偏久行

酒債尋常行處有杜村落家家有濁醪青旗招客醉祗視荆公
慙無白水真人分難致青州從事來后山拂帽村帝誇酒好爲
吾聊解一瓢香山谷自遣赤脚沽春醪山谷

古今事實

沽酒不食

孔子沽酒市脯不食

初推酒酌

漢武帝天漢二年初推酒酌

開壚賣酒

王莽時魯唐言謂法古今作酒開壚以賣通典

當壚滌器

司馬相如與卓文君臨邛賣酒舍文君當壚相如與僮僕滌器

賣僮酒家

纒布賣僮於齊爲酒家保

便了不沽酒見奴僕門

此奴沽酒

劉寬嘗坐客遣蒼頭市酒適久大醉而還客不堪之罵曰畜產
寬須臾遣人視奴疑必自殺顧左右曰此人也罵言畜產辱孰
甚焉故吾懼其死也東觀漢記

千文一斗

孝靈末百司酒酒千文一斗典論

欠人酒債

孫濟權之叔也嗜酒不治產業常醉屢欠酒債人皆笑之濟恬然自若謂人曰尋常行坐屢欠人酒債欲貨此緼袍償之

賒酒約還

吳潘璋字文章性博蕩嗜酒居貧好賒酤債家至爾輒言後貴當還

杖頭掛錢

阮宣常步行以百錢掛杖頭至酒店便獨酣暢雖當世富貴而不肯顧家無儋石之儲晏如也本傳

醉鄰婦側

阮公鄰家婦有美色當壚酤酒阮與王安豐常從婦飲酒既醉

便眠婦側夫不疑之伺察無他意

金貂換酒

阮平為常侍以金貂換酒為有司所躡賀知章一見李白呼為謫仙人以金龜換酒與之共飲撫言

飛送酒家

劉延之與淵明情款延之為始安郡經過臨去留二萬錢與淵明淵明為送酒家稱就取酒唐陽城為諫議大夫每約一第吾所俸入而可度食米幾何薪菜塩幾錢先具之餘悉送酒家無留也

過黃公壚

王戎為尚書令着公服過黃公壚謂後車客曰吾昔與嵇叔夜

阮嗣宗酣暢於此壚自稱阮亡以來便為時所羈縻今視此雖
近邈若山河世說

受酒酷賣

後魏鄭義為西兖州刺史多所受納政以貶成性又嘗使人有
禮餉者不與孟酒齏肉西門受羊酒東門酷賣之

停車詣酒壚

齊謝幾卿性通脫為尚書左丞嘗預樂遊死宴不得醉而還詣
道邊酒壚停車褰幔與車前三騶對飲觀者如堵幾卿自若

命酒獨酌

馬周字賓王舍新豐逆旅主人不之顧周命酒一斗八升恣然
獨酌眾異之朝野僉載以為濯足

飲于市肆

仁宗在東宮魯簡肅公宗道為諭德一日真宗急召公將有所
問使者及門而公不在移時乃自仁和肆中飲歸中使遽入白
乃與公約曰上恠公來遲當託何事以對公曰但以實告曰然
則當得罪公曰飲酒人之常情欺君臣子之大罪中使嗟歎而
去真宗果問使者具如公對真宗問卿何故私入酒家公謝曰
臣家貧無器皿酒肆百物具備賓至如歸適有鄉里親客自遠
來遂與之飲然臣既易服市人亦無識臣者仁宗曰卿為官臣
恐為御史所彈然自此奇公以為忠實可大用歸田錄

古今文集

雜著

張仲吉綠陰堂記

黃魯直

嘉陽張仲吉寓舍於焚道以酒壚為家產若朝夕汲汲於器中
 之贏惟不足及能種花養竹閉閑於林下之樂常有餘其子寬
 夫又從予學故予數將諸生過其家近市而有山林趣花竹成
 陰啼鳥鳴蛙常與人意相值或時把酒至夜漏下二十刻雲陰
 雷風與諸生衝用踏泥而歸諸生從余未嘗有厭倦焉則仲吉
 父子好事喜賓客可知也今蒙恩放還去此有日矣故書游息
 之樂使工本壽刻之綠陰堂上使後之不及與余同時者得觀

設法賣酒

設法賣酒所在官吏逐張樂集妓女以來小民此最為害教而
 必為之辭曰與民同樂豈不誣哉夫誘引無知之民以漁其財

是在百姓為之理亦當禁而官吏為之上下不以為惟不知為
 政之過且民之有財亦須上之人與之愛惜而巧求暗取之雖
 無鞭笞以強民其所為有甚於鞭笞矣 楊龜山語錄

酒肆旗望

今都城及郡縣酒務凡鬻酒之肆皆揭木帘於外以青白布數
 幅為之徵者隨其高卑小大村店或掛瓶瓢標帚桿唐人多詠
 於詩然其制蓋自古然矣韓非子云宋人有酤酒者手繫其平
 遇客甚謹為酒甚美縣幟甚高而酒不售遂至於酸所謂懸幟
 者此也 容齋隨筆

古詩

戲簡鄭廣文兼呈蘇司業

杜甫

醉歌行又云時赴鄭老同襟期得錢即相覓沽酒
不復疑

廣文到官舍繫馬堂階下醉即騎馬歸頗遭官長罵才名三十
年坐客寒無甕賴有蘇司業時時與酒錢

酒肆行

韋應物

豪家沽酒長安陌一旦起樓高百尺碧疏玲瓏含春風銀燭綵
幟邀上客迴瞻丹鳳闕直視樂遊苑四方稱賞名已高五陵車
馬無近遠晴景悠揚三月天桃花飄俎柳垂筵繁絲急管一時
奏地爐隣肆何寂然主人無厭且專利百斛一釀斯須美初醲
後薄爲大偷飲者知名不知味深門潛醉客來稀終歲醲醲味
不移長安酒徒空擾擾路傍過者那得知

送同年蒲叔範察院杭州監酒

王疇文監

釋之久未調王粲嘗從軍謂言塞垣事壯志橫風雲育材幸明
代薦賢無吝君如何漢酷冗沉此荆山珍萍氏本幾酒周官有
桑倫孝武事攘却志清天地屯連兵無時已四海蕭然貧官始
操釀具推之飽師人利源一以洩頽波蕩無垠糜穀費未耜良
藥爭清醇酒禁著律令犯管及其身狂藥乃陷穿傷哉走郊民
公靈屬我后天資英且仁邦力早雄富漢制仍相循歲賦二千
萬經入固已勤彌年擁武節乘邊清國氛雄雄百萬師跨萬里
燕秦仰給頤府庫賞賚圖戎勳加歛猶不足返古當何云抗城
東南劇地將湖海鄰權利冠天下旗亭壓重圍彼雖斗筭職亦
擇才英臣風露氣已肅溪潭寒彌新沙榜朝泛泛吳濤暮泛泛

南州近牛斗氣象雄霜長汀楓變老枿赤葉晴相紛嘗茶泊幽
寺觀魚下輕輪行當收翹楚寧復混蒸薪無爲狎吳叟坐恋秋
江尊

律詩

酒市

朱元晦

聞說崇安市家家麴米春樓頭邀上客花底覓南鄰詎有當壚
子應無折券人勸君渾其問一醉便還醇
麗藻摘雲錦新章寫陟釐詩傳國風體與發酒家旗見說難中
聖遙知但啜醕盤殮雜鮮菜那有蟹螯持

少年行

杜甫

馬上誰家白面郎臨階下馬坐人牀不通姓字粗豪甚指點銀

瓶索酒掌

燕飲 飲酒

羣書要語夫黍禾爲酒非以爲禍也而獄訟繁則酒之流生禍
也是故先王因爲酒禮一獻之禮賓主百拜終日飲酒而不得
醉焉此先王所以備酒禍也 樂記 君子之飲酒也一爵而色酒
如也 注 肅敬貌一爵而言言斯 注 和敬貌三爵而油油以退 注
悅敬貌禮爲酒食以召鄉黨僚友 曲禮 觴酒豆肉讓而受惡民
猶犯齒 功記 有不速之客三人來 注 速召也 需卦 醉酒飽德人
有士君子之行 既醉 人之齊聖飲酒温克 小宛 賓之初筵左右
秩秩邊豆有楚般核維旅飲酒孔嘉維其令儀 賓筵 既有肥牡

羣書要語

卷之十四

九

以速諸舅寧適不來微我有咎伐木鄉會公侯燕饗皆折俎不

體薦左傳注唯酒無量不及亂鄉黨日昃不飲酒酒必酸賓主

百拜而酒三行楊子夫飲之禮不脫履而即序者謂之禮既而

上坐者謂之宴能飲者飲之不能飲者已謂之醜齊顏色均衆

寡謂之沉閉門不出者謂之酒故君子可以宴可以醜不可以

酒韓詩外傳夫妻治具淮夫傳厚具樂飲陸賈以惡草具進陳

平傳飾厨傳稱過客宣紀酒食者所以合歡也史樂書與李陵

未嘗啣孟酒接慙慙之歡馬遷傳引滿舉白班固叙傳烹羊魚

羔斗酒自勞酒後耳熱仰天拊缶楊惲傳今夕正可談風月南

史重客至矣授館致餼柳文

詩句有客遠方來過我漏蓬草在壘酌松醪呼兒具紙筆詞語

清冰霜書如鸞鳳立陸士衡家貧無供具客位但箕帚杜還聞

稚子說有客欵柴扉范彦龍贈張徐州野外貧家遠村中好客

稀杜夜雨剪春韭新炊間黃粱主稱會商難一舉累十觴杜贈

衛處士犯卯不須愁且乞醉過申焉異中贈李干醉貌如霜葉

雖紅不是春白午茶能散睡白酒善消愁白集孟行到君莫停

羊破除萬事無過酒韓贈鄭兵曹斷送一生惟有酒韓子弟聞

姊來磨刀霍霍回猪羊韓木蘭頻頻列日微成醉拍拍滿懷都

是春邵堯夫公獨未知其趣耳臣今時復一中之坡

古今事實

漢賜民醕

漢文帝賜醕三日注賜民得聚會飲酒

召客謝病

卓王孫爲具召臨邛令王吉及司馬長卿令既至日中司馬長卿謝病不能臨臨邛令不敢嘗食身自迎相如不得已而強往一坐盡傾相如傳

約幾不至

灌夫字仲孺嘗有服過丞相蚡蚡從容曰吾欲與仲孺過魏其侯會仲孺有服夫曰將軍迺肯幸臨况魏其侯實嬰夫安敢以服爲解蚡許諾夫以語嬰嬰與夫人益市牛酒夜洒掃張具至日中蚡不來夫迺駕自往迎蚡蚡特前戲夫殊無意往夫至門蚡尚卧也蚡悟謝曰吾醉忘與仲孺言迺駕往卒飲至夜極歡而去

投轄留賓

陳遵字孟公嗜酒每大飲賓客滿堂輒關門取客車轄投井中倘有急不得去嘗有部刺史奏事過遵候遵沾醉入見遵母叩頭自白當對有期會母乃令從後閣出去遵所到衣冠懷之唯恐在後時列侯有與遵同姓字者每至人門曰陳孟公坐中莫不震動既至而非因號其人曰陳驚坐云

歌驪駒

王式爲昌邑王師王以淫亂式數獄以減死論後除博士式徵來衣博士衣而不冠曰刑餘之人何宜復衣禮官既至今止舍中會諸大夫共持酒肉勞式皆注意高仰之博士汪公世爲魯詩宗至汪公著孝經說心嫉式謂歌吹諸生曰歌驪駒

逸詩篇名客欲

去歌之其辭云驪駒主人歌客毋庸歸
駒在門僕夫具存式曰聞之於師客歌驪駒主人歌客毋庸歸
下文衍下客字驪駒者將歸
之歌主人無所歸不置歌也今日諸君為主人日尚早未可也
江翁曰經何以言之式曰在曲禮江翁曰何徇曲也式耻之陽
醉過徒浪反地式客罷議諸生曰我本不欲來諸生強勸我竟
為孺子所辱遂謝免歸

坐客常滿

後漢孔融為太中大夫職閑賓客日盈其門歎曰坐上客常滿
尊中酒不空吾無憂矣與蔡邕素善邕卒後有虎賁士貌類邕
融每酒酣引同坐曰雖無老成人尚有典刑

佯醉取怒

吳虞翻孫權歡宴之末自起行酒伏地佯醉不持權去翻起坐

權大怒三朝欲擊之大司農劉基救解乃免

召鄰延救

梁王不悅遊於兔園乃置酒命賓友召鄰生延救謝靈運賦

孟中蛇影見疾病門

坐無車公

車胤善於賞會當時每有盛集而胤不在皆曰坐無車公不樂
謝安遊集之日輒開筵待之

能飲為所賞

何充字次道能飲酒雅為劉恢所賞每云見次道飲令人欲頌
家釀言其温克也

擲面而去

王夷甫嘗宴集為族人所怒舉擲其面衍初無言即王導共載而去然心不能平在車中攬鏡自照謂導曰爾看吾目光乃在牛背上海矣

酒少不及

王戎與阮籍飲時兖州刺史劉永字公榮在坐以酒少不及眾景無恨色戎異之他日問籍曰彼何如人曰勝公榮則不可不與飲若減公榮則不敢不共飲惟公榮可不與飲

罪行酒者

王敦字處仲王導字茂弘敦與導嘗造王愷愷使美人行酒以客飲不盡輒殺之酒至導敦所敦固不肯持美人悲懼失色而敦傲然不視導素不能飲恐行酒者得罪遂勉強盡觴導還歡

曰處仲若當世心懷剛忍非令終也

飲行觴者

陰鏗為湘東王參軍與賓友宴飲見行觴者因回酒炙投之坐客皆笑鏗曰吾儕終日酣醉而執爵者不知其味非人情也及侯景亂鏗為賊擒或救之得免鏗聞之乃前行觴者又顧榮同

啖執炙者

顧榮與同僚宴飲見執炙者狀貌不凡有欲炙之色榮割炙嚼之坐者問其故榮曰豈有終日執之而不知其味者乎及趙主倫篡位以榮為長史倫敗榮被執將誅而執炙者為督率救之得免

至晚無佳設

羊曼拜丹陽尹客來早者並得佳設日晏漸罄不復及精隨客
早晚不問貴賤羊固拜臨海竟日皆美供雖晚至亦獲盛饌時
論以固之豐華不如曼之真率

回頭避妓

齊王琨性謹慎顏師伯豪貴設女樂要琨傳酒行次皆命妓傳
行每至琨令置牀上回面避之然後取畢又如此坐上皆笑

不飲而好賓

梁羊侃不飲酒而好賓遊終日獻酬同其醒醉

不飲而好觀醉

後周長孫澄雖不飲酒好觀人酣醉嘗恐坐客請歸勅中厨別
進異饌

一會十萬緡

郭子儀入朝上命元載王縉魚朝恩等互置酒於其第一會之
費至十萬緡通鑑

非公會不飲

段秀實非公會不飲

不飲為惡客

元結以不飲者為惡客

把酒相歡

裴度字中立治第集賢里野服蕭散與白居易劉禹錫為文把
酒窮晝夜相歡不問人間事

鋪花為褥

坐具天寶遺事

笏擊姦臣

顧少連裴延齡方橫無敢忤者嘗與少連會田錫第酒酣少連挺笏曰段秀實笏擊賊臣今吾笏將擊姦臣奮且前元友直在坐勸解之

費錦纏頭

開元中富人王元寶嘗會賓客明日親友問之曰昨來高會有何高談元寶不文視屋良久曰但費錦纏頭耳

誤以醯進

唐李景略嘗宴祿佐行酒者誤以醯進判官京兆任迪簡以景略性嚴恐行酒者獲罪強飲之順紀

儉不羨

柳玘曰高侍郎兄弟三人俱居清列非速客不羨歲夕食惟葡萄匏而已

必來獵酒

五代漢韋思在上黨五年唯務聚飲未嘗與賓佐燕會有從事求見思怒曰必是來獵酒也命典客飲而遣之續世說

不可屈致

仁宗朝李都尉喜延士大夫畫聲色之樂一時館閣清流無不往者韓魏公最年少獨未嘗造焉李數召而公數以事辭人有強之者公曰固欲往但未有名耳公處之不失和李莫能致怨

當時諸公亦不以爲介也別錄

先呈樂語

文潞公尹洛伊川時爲判監一日府會四客伊川以見任故赴到客次見樂人來呈樂語并詩詞先生訝之曰不須呈看何故如此樂人曰昨日得太師鈞旨明日請程侍講詞曲並要嚴謹依禮法故先來呈

息從卒喧

文潞公知益州喜遊宴嘗宴鈴轄廳舍夜久不罷從卒輒折馬廐爲之薪不可禁遏軍校白之座客股栗公曰天實寒可折與之神色自若飲如故從卒氣沮無以爲變記聞

閉關苛留

寇準在中書多名兩制就第飲宴必閉關苛留之畏醉者甚懼李宗諤嘗於門扉下竊出得馬而走金坡遺事

不能強之飲

司馬溫公嘗曰昔與王介甫同爲郡牧司判官包孝肅公爲使時號清嚴一日郡牧司牡丹盛開包公置酒賞之公舉酒以勸光素不飲酒亦強飲介甫終席不飲包公不能強也光以此知其不屈聞見錄

布衣與執政燕

蘇明允至和間來京師既爲歐陽文忠所知其名愈然韓忠獻諸公皆待以上客嘗遇重陽忠獻置酒私第惟文忠與一二執政而明允乃以布衣參其間都人以爲異禮石林詩話

作真率會

范忠宣公純仁判留臺時一時者舊多在洛公與司馬公皆好客而家貧相約為真率會脫粟一飯酒數行過從不問一日洛中誇以為勝事行狀

昔儉今奢

温公曰先公為郡牧判官客至未嘗不置酒或三行或五行不過七行酒沾於市果止梨栗棗柿者止於脯醢菜羹器用麤漆當時士大夫皆然人不相非也會數而禮動物薄而情厚近日士大夫家酒非內法果非遠方珍異食非多品器皿非滿案不敢會賓友嘗數日營聚然後敢發書局或不然人爭非之以為鄙吝故不隨俗奢靡者鮮矣嗟呼風俗頹敝如是居位者雖不

能禁忍助之乎聞見錄

酒洋嘉隗以下係飲酒

王遜問王忱阮籍何如司馬相如忱曰阮籍胸中磊塊故須麩之世說言同相如唯有酒具

葛巾漉酒

陶潛逢酒熟取頭上葛巾漉之且還復著之

避暑飲見三石門

口唯宜飲

謝朓為吳興與弟淪於征虜者送別朓指淪口曰此中唯宜飲

仙浴酒甕

張柬光嘗與母及弟出遊獨留姬守舍俄有道士敝衣冠亦癯

事類彙編

卷之十四

十五

被體直入裸浴酒壘中。姬不能拒。既暮出遊。歸渴甚。聞酒芳烈。亟就盎中飲。姬心惡。道士不敢白。而但不飲。居數日。開光與母弟。拔宅而去。此事與葛洪神仙傳李八百事略同。曾慥集仙傳

醉人見誣

郭肱有才學而輕脫。夜出為醉人所誣。太守詰問。肱笑曰。張公喫酒。李公醉者。肱是也。太守令作。張公喫酒。李公醉賦。肱云。事有不可測。人當防未然。何張公之飲也。乃李老之醉焉。清河丈人方肆杯盤之樂。隴西公手俄遭醉酲之愆。守笑而釋之。道齋閑覽

古今文集

雜著

趙李仁司直習鄉飲酒序見鄉里門

賜醕源流

宋初魏令猶有漢唐之遺風。大中祥符元年正月三日。天書降。太赦改元東都賜醕五日。天下賜醕三日。此蓋漢遺事也。漢律三人以上無故飲酒。罰金四兩。故漢以賜醕為惠澤。今得羣飲酒也。醕音蒲注曰。王德布於天下。而今聚飲食為醕。或問賜醕起於漢乎。僕對曰。趙世家載武靈王行賞。太赦置酒醕五日。則自戰國時已如此矣。程泰之

藍尾酒

白樂天元日對酒詩。三盃藍尾酒。一堞膠牙餠。又云。老過占他藍尾酒。病餘收得到頭身。歲盡後。推藍尾酒。春盤先勸膠牙餠。荆楚歲時記云。膠牙者取其堅固如膠也。而藍尾之義殊不可

疏河東記載申屠澄與路旁茅舍老父媪及處女環火而坐媪
自外挈酒壺至曰此君負寒且進一盃澄因揖遜曰始自主人
翁即巡澄當藍尾蓋以藍為琴當藍尾者謂最在後飲也葉少
蘊石林燕語云唐人言藍尾多不同藍字當作淋出於侯白酒
律謂酒巡匝未坐者連飲三盃為藍尾未坐遠酒行到常遲故
連飲以慰之以淋為貪婪之意或謂淋為燥如鐵入火貴其出
邑此尤無稽則唐人自不能曉此葉之說如此予謂不然白公
三盃之句只為酒之巡數耳安有連飲者哉侯白滑稽之語見
於啟顏錄唐藝文志曰有啟顏錄十卷雜語五卷不聞有酒律
之書也蘇鶚演義亦引其說容齋隨筆

古詩

郡中與諸文士讌集

韋應物

兵衛森畫戟燕寢凝清香海上風雨至逍遙池閣涼煩疴正消
散嘉賓復滿堂自慙居處崇未覩斯民康理會是非遣性達形
迹忘鮮肥屬時禁蔬果幸得嘗俯飲一盃酒仰聆金玉章神歡
體自輕意欲凌風翔吳中盛文史羣彦今洋洋方知大藩地豈
曰財賦強

歌舞

白居易

秦城歲云暮大雪滿皇州雪中朝退者朱紫盡公侯貴有風雲
興富無饑寒憂所管為第宅所務在追遊朱輪車馬客紅燭歌
舞樓歡酣促客坐醉暖脫重裘秋官為主人廷尉居上頭日中
一為樂夜半不能休豈知闔鄉獄中有凍死囚

到官病倦未嘗會客毛正仲惠茶乃以端午小集石

塔戲作一詩為謝

蘇子瞻

我生亦何須一飽萬想滅胡為設方丈養此層寸舌東來又衰
病過午食輒噎認為淮海帥每愧厨傳缺舉舍欲清人奉使免
內熱莊子人間世吾食也執粗而不減寒無欲清之人空煩赤
泥印遠致紫玉玦為君伐羔豚歌舞菰黍節禪窓麗午景蜀井
出水雪坐客皆可人鼎器手自潔金釵候湯眼魚蟹亦應訣遂
冷色香味一日備三絕報君不虛授知我非輕啜

四事

邵堯夫

會有四不赴時有四不出無貴亦無賤無固亦無必里閉閑過
從身安心自逸如此三十年幸逢太平日

謂公會生會葬會醜會大寒大暑大風大雨也

勸酒

白居易

昨與美人對樽酒朱顏如花腰似柳今與美人傾一盃秋風颯
颯頭上來年光似水向東去兩鬢不禁白白催東隣起樓高百
尺璇題照日光相射珠翠無非一八人盤筵何翅三千客隣家
儒者方下帷夜讀古書朝忍饑身年三十未入仕仰望東鄰安
可期一朝逸翮乘風勢金榜高張登上第春闈未了又登科九
萬搏風誰與繼不逾十稔居台衡門前車馬紛縱橫人人仰望
在何處造化筆頭雲雨生東隣高樓色未改主人云七息猶在
金玉車乘一不存朱門更有何人待垣墉反鎖長安春樓臺漸
漸屬西隣松篁薄暮亦棲鳥桃李無情還笑人憶昔東隣宅初

構雲豐彩棟皆非舊。璚瑤庭前翡翠樓。芙蓉池上鴛鴦園。日往月來凡幾秋。一衰一盛何悠悠。但教帝里笙歌在。池上年年醉五侯。

律詩

飲散夜歸贈諸客

白居易

車馬夜紛紛。香街起暗塵。迴鞭招醉妓。分火送歸人。風月應堪待。盃觴莫厭頻。明朝三月盡。忍不送殘春。

東都冬白會諸同年宴鄭家林亭得先字 白居易

盛時陪上第。暇日會羣賢。桂折應同樹。鷺遷各異年。賓階紛組綬。妓席儼花鈿。促膝齊榮賤。差肩次後先。助歌林下水。鎖酒雪中天。他日昇沉者。無忘共此筵。

宴散

白居易

小宴追涼散。平橋步月迴。笙歌歸院落。燈火下樓臺。殘暑蟬催盡。新秋鴈帶來。將何迎睡興。臨臥舉殘盃。

安之以詩一絕見招作真率會。光以無從者不及赴。

依韻和呈

司馬君實

真率由來無次序。經旬踰月不為稀。藍輿但恨無人舉。坐想紛紛醉落暉。又 孟盤豐腆勝陶令。園沼繁華減白家。惆悵佳辰掩蓬蓽。不陪高會賞鄰花。

和

文寬夫

近知雅會名真率。有意從真各任真。暖殺畫牛顏子陋。食鮮不愧庾郎貧。加籩只恐勞煩主。緝御徒能困倦賓。適適安安方簡

事文類聚卷之十四

易古來彭澤是其人

和

范醇夫

賢者規模衆所遵，屏除外飾貴全真。蓋替既屢宜從簡，爲具雖疎不愧貧。免事獻酬修未節，都將誠實奉嘉賓。豈惟同志欣相照，清約猶能化後人。

和

鮮于子駿

羨藜寂寞天隨子，換酒風流李真談。水論交自忘味道，腹充實不知貧。萬錢縱侈輕豪貴，三壽優游萃燕賓。奔走每憐饒俗狀，謫官猶作會中人。

和洛公真率會詩

司馬君實

洛下衣冠愛惜春，相從小飲任天真。隨家所有自可樂，爲具更

微誰天貧不待珍羞方下筯，只將佳景便娛賓。庾公此興知非淺，藜藿終難作主人。

詩話

醉紅裙

東坡謂韓退之詩長安衆富兒，盤饌羅羶羶不解文字飲，惟能醉紅裙。至云艷姬踏筵舞，清眸射劍戟，則知此老箇中興復不淺。西清詩話

一客傷衆賓

李定晏元獻公之甥，文亦奇，欲預養神會而蘇子美以任子拒之，致與大獄。梅聖俞詩云：一客不得食，覆鼎傷衆賓，是也。詩話 譏不常設燕

陳恭公知揚州陳少卿亞曰近作一謎四箇脚子直上四箇脚子直下經年度歲不曾下若下時不是風起便雨下公未曉亞曰乃待制廳上茶牀苟或宴會即怪值風澁值雨也倦遊雜錄雜著 以下係飲酒

陶白奢儉不同

張文潛云陶元亮雖嗜酒家貧不能常飲酒而况必飲美酒乎其所與飲多田野樵漁之人班坐林間所以奉身而悅口腹者蓋略矣白樂天亦嗜酒其家釀黃醕者蓋善酒也又每飲酒必有絲竹僮妓之奉洛園山水風物甲天下其所與游如裴度劉禹錫之徒皆一時名士也夫欲為元亮則窘陋而難矣欲為樂天則備足而難成吳德仁居一入之間真率僅似陶而奉養略

如白其於達則並有之豈非賢哉

漁隱叢話

古詩

飲酒

陶潛

清晨聞扣門倒裳往自開問子為誰與田父有好懷壺漿遠見候疑我與時乖藍綫茅簷下未足為高栖一世皆尚同願為汨其泥深感父老言真象寡所諧紆轡誠可學違已詎非迷且共歡此飲吾駕不可回
羲農去我久舉世少復真汲汲魯中叟彌縫使其淳鳳鳥雖不至禮樂暫得新洙泗輟微響漂流逮任秦詩書復何罪一朝成灰塵區區諸老翁為事誠殷勤如何絕世下六籍無一親終日馳車走不見所問津若復不快飲空負頭上巾但恨多謬誤君

當怨醉人

遭田父泥飲美嚴中丞

杜甫

步屣隨春風。村村自花柳。田翁逼社日。邀我嘗春酒。酒酣誇新尹。奮眼未覓有。回頭指大男。渠是弓弩手。名在飛騎籍。長番歲時久。前日放營農。辛苦救衰朽。差科死則已。誓不舉家走。今年大作社。拾遺能往否。叫婦開大瓶。盆中為吾取。感此氣揚揚。須知風化首。語多雖雜亂。說尹終在口。朝來偶然出。自卯將及酉。久客惜人情。如何拒鄰叟。高聲索果栗。欲起時被肘。指揮過無禮。未覺村野醜。月出遮我留。仍嗔問升斗。

賢者豹隱墟落固當和光同塵雖舍者爭席奚病而况於孟酒之間哉陶淵明杜子美皆世偉人也每田父索飲必

使之異其歡而後去淵明詩云清晨聞扣門倒裳往自開
問子為誰歟田父有好懷壺漿遠見候疑我與時垂老杜
詩云田翁逼社日邀我嘗春酒叫婦開大瓶盆中為吾取
二公皆有位者也於田父何拒焉至于田父有云一世皆
尚向願君泊其泥之說則姑守陶之介久客惜人情如何
拒鄰叟則何妨杜之通乎陽秋

獨酌謔

沈炯 英華

獨酌謔獨酌謔獨酌獨長謔智者不我顧愚夫余不與不愚復
不智誰當余見招所以成獨酌一酌一傾瓢生涯本謾謾用意
暫迢迢再酌矜許史三酌傲松喬煩煩四五酌不覺凌丹霄條
忽厭五鼎俄然賤九韶彭殤無異葬夷珣可同朝龍蠖非不屈

鵬鷄本逍遙寄語號啾俗無乃太塵露

律詩

飲酒

杜荀鶴

憑君蒲斟酒聽我醉中吟客路如天遠侯門似海深新墳侵古道白髮戀黃金不以貧為耻從來恨此心

酒

翁綬

陶暑迎春復送秋無非綠蟻滿盃浮百年莫惜千回醉玉盞能消萬古愁幾為芳菲眠細草曾因雨雪上高樓平生名利關身者不識狂歌到白頭

新編古今事文類聚續集卷之十四

早稲田大学図書館

011488505850